

EXERCITATIO JURIDICA
De
JURE HORTORUM,

QVAM
OPITULANTE DIVINA
GRATIA
PRÆSIDE
VIRO

Nobilissimo, Amplissimo & Excellentissimo

DN. ANTON-HENRICO
MOLLENBECIO,

Jcto & in Illustri hac Ludoviciana Professore
Ordinario



Patrono suo observandissimo.

Publicè defendendam suscipiet

FRANCISCUS JOANNES WETZEL,
Bruxellensis Belga. Aut. & Resp.

Die 4. Octobris.

Horà locoq; consuetis.



Gieß- & Hassorum.

Typis JOSEPHI DIETERICI HAMPELII, Academ.
Typogr. Ordin. ANNO M DC LXX.

EXTRACTS FROM THE

OF

MURKIN OR TORTURE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

ILLVSTRISSIMO ET GENEROSISSIMO
DOMINO,

Dn. JOANNI CHRISTIANO

LIBERO BARONI A BOINENBURG,

Sac. Rom. Imp. Equiti Aurato. &c.

Domino meo gratiosissimo.

Illustrissime & Generosissime Baro,

Domine Gratiosissime.



*Uamvis, monente diu verbo veteri, quod
habet, Magnos Magna decent, mate-
riam sublimiorem eligere, meum fuisset,
cui Illustrissimum Nomen Tuum cõli-
berius præponerem. Attamen, cùm*

*Tibi vix ignotum esse possit, necdum
eas esse ingenii mei vires, ut aliquid Dignitate Tuâ di-
gnum, in lucem dare publicam queant, & me non la-*

teat, Te palàm & passim quà studiorum, quà studen-
tium Mæcenatem & Patronum benignissimum audire,
facilius mihi polliceor, à Te specimen hoc, quantumvis
humile & perexiguum, progressûs mei in studio juris
annui Tibi inscriptum, gratiosissimo vultu respectum
iri: maximè, cùm, quidquid hujus est, omne è monte
illo sacratissimo, TABORE, sit derivatum. Quod
si, ut submississimè rogo, ita suscipiatur, tantò magis mihi
gratulabor, ne quidem tenuissima mea ingrata Tibi es-
se. Sed meliora tempus dabit. Scrib. Gießæ-Hassorum
4. Octobris 1670.

Illustrissimæ & Generosissimæ
Dominationis Tuæ

Humillimus ac devotissimus
cliens & servus

Franciscus Joannes Wetzel.



I. N. D. B. Q. D. G.

THES. I.



Luſtra in univerſitatibus, ſcribit
Dietherrus in præfat. ad Beſoldi
theſaurum practicum, Studioſi
in perorando & diſputando con-
queruntur, omnes materias ſibi
eſſe præreptas, cum vel mille ſu-
perſint leviſer adhuc ab aliis per-
tractata, & quaſi indiſta ore alio. Volenti igitur mihi
 ſpecimen profeſſûs annui in ſtudio juris in publicû
 dare, & deliberanti de materiâ pertractandâ, attriſit præ
 aliis illa de Jure Hortorum, quâ pro curta ingenii ſup-
 pelleſtile paucis examinabo; maximè cum, ſi excipias
 ſcriptores exotericos, qui in tractatibus ſuis inciden-
 ter de Hortis quædam inſperſere, & Johannem To-
 biam Geiſlerum, cujus extat libellus Dorpatî im-
 preſſus de Hortis, vix commentatio juridica integra,
 vel in Tractatu Tractatum, vel in Indice Coccini,
 vel in Bibliotheca Drauthii, vel in tomis regularum,
 vel in Theſauris Beſoldi, Speidelii, & ſimilium colle-
 ctorum, aut titulus hujus rei appareat; multò minus

apud Reygerum vel alios L. C. concinnatores. Licet enim Capolla in *tr. de servit. Urb. prad. integrum cap. 76. de Horto* conscripserit: ad quod plerosque in hac materia recurrere scribit *Felinus Sandeus ad cap. Rodolphus. 35. de rescript. n. 22.* Paucula tamen ea sunt, ut lectorem parum erudiant aut juvent.

II.

Dicam autem ordine simplici & in Scholis recepto perspicuè, & primò quoad originem vocis *Isidorus in orig.* Hortum inde deducit quod semper aliquid ibi oriatur. Forsan ex illo Festi occasione sumptâ, quod mox infra referam. Unde Bertachinus & alii Itali scribunt sine aspiratione Ortus non Hortus, & Ortensius non Hortensius Feudistæ veteres. Quod non placet Martinio, qui mavult deducere à Græco *ὄρεξ*, quod vocabulum plantarum ordinem, item locum septum munitumque atque adeo hortum ipsum notet: Nihil enim aliud esse hortum, quàm locum septum ad plantas alendas & custodiendas, *conf. Geislerum d. tr. cap. 1.*

III.

Quoad homonymiam notant nonnulli, horti vocabulo per comparationem notari etiam alias res amoenas vel gratas. Sic Festus tradit, Hortum apud antiquos dictum fuisse omnem villam, quod ibi, qui arma gerere possent, orirentur. Consentit idem de LL. 12. Tabb. tradendo *Plinius lib. 19. c. 4.* ubi testatur in LL. 12. Tabb. nusquam nominari villam, sed semper in significatione ea usurpari Hortum, in Horti verò He-

Here dium, *conf. lac. Goth. ad ll. 12. Tabb. in prob. ad tab.*
8. p. 134.

IV.

Quoad Synonyma: censet *Geislerus d. cap. 1.*
 Hortum sylvam cæduam appellari in *l. fructus 45. ff. de*
usur. l. velus. 6. §. 1. de S. R. P. Enimverò vir doctus non
 cogitavit sylvam cæduam in jure hortis passim oppo-
 ni: ut cum quæritur, an ex sylva pedamenta vineis
 sumere liceat. *lex sylva. 10. ff. de usufr.* Et sic in *dd. ll.*
 verba non synonymicè, sed distinctè accipienda
 erunt. Sed & definitionum rerum istarum diversitas
 distantiam & differentiam definitorum insignem
 ostendit: ut enim sylva generaliter accepta & lucum
 & nemus & saltum & sylvam glandariam sive glan-
 diferam & cæduam complectitur: ita sylva cædua
 in specia sumpta, ea est, quæ in hoc habetur, ut cæda-
 tur, & succisa ex stirpibus radicibusque repullulet ac
 renascatur. *Gaddaus in l. sylva cædua. 30. de V. S. n. 3. f.*
& n. 4.

V.

Quæstio hîc moveri posset; An appellatione
 domûs veniat etiam hortus? & negatur, quia
 domus & hortus passim sibi opponuntur ut diver-
 sa. Subjicit *Felinus d. n. 22.* Baldum in quodam suo
 consilio distinguere, utrum hortus paratus sit cau-
 sâ domûs, ut tunc appellatione domûs veniat &
 hortus, *per l. pradiis. 91. §. Quid domum 5. de leg. 3.* secus, si
 hortus non sit paratus causâ domûs, *l. olympico. ult. de*
S. V. P. & subdere, quod hortus tum dicatur paratus
 causâ domûs, quando voluptatis causâ paratus est,

vel est pedissequus domûs. Ego eam sententiam in consiliis Baldi non invenio; sed istam *l. consil. 378. incip. sequitur aliud instrumentum. n. 3.* quod inter sit, an hortus consideretur in se, an extrinsecè. In se non venire appellatione domûs, cùm proprium habeat corpus ac peculiarem substantiam atque definitionem: quando autem horti ædibus adjuncti dicantur, venire appellatione domûs, ut in *l. Olympico. ult. de S. V. P. l. pradiis. § 1. §. pen. & ult. de leg. 3.* tum id fieri per accessionem extrinsecam. Ita Baldus *d. loc.* Addit etiam alias exceptiones à regula negativa *Cæpolla d. cap. 76. n. 2.* nempe (1) si hortus sit emptus uno pretio cum domo. (2) Si paratus sit (sic enim omninò legendum; non negativè) aut deputatus ad usum domûs. Unde concessâ, venditâ aut legatâ domo venit etiam hortus contiguus, tanquam accessorius ad domum, sive tanquam de pertinentiis domûs; & concessâ domo & castro in feudum, videbitur etiam concessus hortus ibi contiguus; accessorium enim sequitur principale. *Besold. thes. pract. voc. Hausß. p. 368.*

VI.

Quoad paronyma dicitur ab horto Hortulanus, qui Græcis dicitur *κηπουρός*; Vossius tamen putat voc. Hortulanus sequioris esse sæculi. *de vit. ferm. lib. 3. cap. 14. pag. 466. V. Nov. 64. de Hortulanis Constantinopolitana civitatis. conf. Ritterhus. in Nov. part. 3. cap. 14.* Urbs enim Constantinopolitana ad par-

tes continentis amplissimos & splendidissimos hortos habuit, quos cives locabant certâ mercede conductoribus hortulanis. *V. M. Stephanum in Comm. ad d. Nov. 64.*

VII.

Describi potest hortus in genere, quod sit locus septus in quo plantæ, hoc est, arbores & olera oriuntur, aluntur, & custodiuntur. Aliter & ad unam tantum speciem accommodatione factâ definit Felinus *d. n. 22.* Quod sit locus sine reditu, factus ad amoenitatem, & dicatur prædium urbanum; Sed hæc definitio propter nimiam restrictionem tolerari non potest.

VIII.

Dividitur autem hortus (1) ab objecti sive materiæ diversitate. Alius dicitur pomarium; alius viridarium, solius voluptatis causâ exstructum. *l. si cuius. 13. §. fructuarius. 4. de usufr.* alius est hortus olitorius, *l. 198. de V. S. Kraut-Garten / d. l. 13. §. 4. de usufr.* alius vinearius, cin Wein-Garten: Dicitur vine-tum, *§. 3. vers. Manifestus. I. de obl. qua ex del.* prout olivetum, quod olivas continet. *d. §. 3. l. arboribus. 58. de contr. empt.* (2) A loco in urbanum & rurestem. Urbani vel sunt domibus appliciti, *l. uxorem 41. §. 1. de leg. 3.* vel seorsim positi, *l. pradiis. 91. §. qui domum. 5. de leg. 3. l. ult. ibi: Hortus juxta domum. de S. V. P. Rures-*

trium alii urbi juncti, *l. Nam quod. 4. §. quod si. 5. de pen. leg. id est, vicini sive adjacentes. V. l. 15. §. 14. de damn. infecto.* Alii longius ab urbe remoti, & planè rustici sunt. De illis accipiendum, quod in *l. præsens 5. de procur.* legitur, præsentem haberi & qui in hortis est. (3) A fine distinguuntur in voluptuarios & redditum ferentes, *d. l. 198. de V. S. l. si quis 7. ibi: comprehendat descriptio, quod sit ruris ingenium, quid aut incultum sit, aut colatur, quid in vineis, olivæ, aratoriis, pascuis & sylvis fuerit inventum, quæ etiam gratia & quæ amœnitas sit locorum. C. de bon. proscript.*

IX.

Quoad causam efficientem : Voluptuarios hortos plerumque condebant Magnates : ut C. Crispus Sallustius Historicus, qui cum post perditum patrimonium à C. Julio Cæsare Numidiæ esset præfectus, eâ expilatâ, ditissimus factus, hortos sub Quirinali extra pomœrium, ad Colliniam portam, propè malum punicum, & Tiburti villam emit, atque ad eò exornavit, ut in deliciis haberentur : demum à Nerone atq; aliis Imp. ob eorum amœnitatem occupantur. *Pancirollus 1. var. lect. 54.* Fit eorum hortorum mentio in *l. cum servus. 39. §. si verò Salustianos. 8. de legat. 1.*

X.

Redituarios autem construunt & condunt plerumque inferioris ordinis homines, ut vinitores, olitores.

XI.

XI.

Porro sic constituti etiam horti transferuntur ad alios vel ratione dominii vel ratione usus: Utrumque per actus inter vivos vel mortis causa. Inter vivos transfertur dominium hortorum v. g. Emptione venditione, *l. arboribus. § 8. ibi: contemplatione arborum hortus comparatur. de Contr. empt.* Per actum mortis causa tum demum hortus transfertur & acquiritur, si ejus expressa vel implicita fiat mentio. V. *o. §. in fin. & seq. 32.*

XII.

Quâ occasione quæri potest (1) an hortis instructis filio legatis, & argento muliebri filiæ legato, filiæ etiam debeatur id argentum muliebri, quod mater in hortis habuit, ut ibi cò instructior esset? *R. aff. per l. 12. §. ult. de instr. vel instr. legat.* (2) An hortis instructis legatis contineantur etiam vina, quæ testator ibi habuit, ut esset instructior? *R. aff. licet aliud sit, si horrea ibi habuit, unde instruebatur, vel in urbe vel in aliis prædiis. d. l. 12. §. 39.*

XIII.

Materia hortorum in qua, præprimis sunt agri, vel fundi sive ruri sive in urbe positi: non autem ædificia: Veritum enim est, ædes diruere, & hortos inde exstruere, *l. Senatus. § 2. de contrah. empt. l. an in totum. 3. C. de adif. priv. l. si quis post hanc legem. §. C. eodem. ut ex ea colligit Capolla d. cap. 76. n. 6.* Ruinis namque ædium

ædium civitas deformari non debet. Et licet fortè domus aliquo casu, puta incendio, ruinâ, vel hostium occupatione destructa fuerit, non tamen facile permittendum, ut ex area hortus, vel viridarium fiat. Ex eadem lege taxandi veniunt, qui sylvas pretiosas, & eximiis arboribus excultas diruunt, ut hortos labyrintheos exstruant, nulli usui futuros, nisi voluptati errantium mox perituræ. Qua de re inter duos Comites de feudi successione inter se aliàs contententes, litem in summa quadam curia nunc verti adivi. Excisio sylvarum damnosa locum facit mandatis sine clausula.

XIV.

Materia circa quam distincta. Nam ut horti voluptuarii non usque respiciunt fruges: ita ceteri imprimis hanc considerationem continent. Etenim voluptuariis hortis ad usum oculorum sufficiunt viridaria & loca gestationi vel deambulationi aptata, *l. 13. §. 4. de usufr.* quibus usibus arbores etiam infructuosæ sufficiunt. Arboribus non frugiferis adnumerantur cupressi, ex quibus etiam amœnitas aliqua præstatur. *l. competit. 16. §. si quis vi. 1. Quod vi aut clam. l. 45. §. conductor. 13. de iur. Fisci.* Item quercus & fagi. *Carpz. 2. qq. crimin. 83. n. 12. & seqq.*

XV.

Ex adverso Horti usuales arbores infructuosas dejiciunt, & ad olitorios usus respiciunt, vel alios, qui

qui ad reditum spectant. *d.l. 13. §. 4.* Pomarium imprimis conficitur ex frugiferis arboribus, quales sunt quodlibet pomi genus ferentes *l. qui fundum. 205. de V. S.*

XVI.

Vinea constat ex vitibus, *l. 3. arb. furt. cas. l. 1. §. 3. de arb. cad.* Hæ arboribus etiam & maximè ulmis maritantur. *l. 3. §. Item videamus. 4. uti possid.*

XVII.

In viridariis maximè conspiciuntur, flores, hederæ, frutices, arundines, pali, & quæcunque aliæ arboribus solent annumerari. *l. 3. §. 1. arb. furt. cas. conf. Magnific. Dn.* TABOREM Patronum meum summe colendum in *racem. crim. ad tit. ff. arb. furt. cas. l. 9. & seqq.*

XVIII.

Habebant in hortis etiam spæristeria & hypocausta, *l. si quis 16. Mandati.* Ubi per spæristerium inuitur tum in genere locus rotundus, in quo exercitabantur: tum in specie locus, ubi pilâ ludebant: *σφαίριον* enim est pilâ sive sphærâ sudo, inquit *Pancirollus lib. 1. var. lect. cap. 56.*

XIX.

Habebant etiam ædes in quibus habitarent, *l. lex Cornelia §. §. Quid si quis. 3. de injur. d. l. Prasens*
B *s. de*

s. de Procurat. Ac potior etiam penum. *l. Nam quod. 4. §. quod si urbana s. de penu legata.* quâ utebantur, qui æstivo tempore in hortos secederent. *d. l. 16. Mandati,* an verò ibi etiam adeundi sint? *V. l. si quidem. 1. §. adeundi 9. Quando appellandum sis.*

XX.

In hortis domui proximis habebant cænacula, id est, diætas, quæ plerumque ædificabantur juxta hortum, in quibus coenebatur ad umbram. *Cujac. in l. olympico ult. pr. de S. P. V.*

XXI.

Denique in hortis considerandus est & aditus. De quo notandum (1) si hortus conjunctus duabus domibus habeat aditum ex utraque domo, quod tum censeatur esse communis, adeoque venditâ unâ domo, etiam pars horti in venditionem veniat: uti post Dylum consuluit *Ph. Decius. 1. consil. 109. Incip. Pro tenui. Alexand. 4. consil. 26.* (2) Si quis legaverit alicui habitationem domûs, per quam ad hortum contiguum aditus sit, quod legatarius teneatur heredi aditum ad hortum, per domum legatam præstare. *Capolla d. cap. 76. n. 6.*

XXII.

Quod formam hortorum attinet, ea pro diversis utilitum sine & usu varia est, in genere hoc dicere, quantum ad effectum juris attinet, debemus aut
pos-

possumus. (1) distinctos fuisse hortos per jugera. *l. s. servum. 4. §. un. vers. sed non solum. de act. E. V.* per arbores & vites. *l. Forma. 4. pr. de Censibus.* (2) Quomodo autem & voluptuarii & reddituarii utiliter institui debeant, exponit *Petrus Laurenbergius in Cultura Horti. Baron. Bacon. (Verulamius) in Serm. fidelibus. cap. 44. Fortenbach in Kupffer Stücken.*

XXIII.

Ratione finis, constituuntur horti vel ad voluptatem tantum, vel ad redditum augendum. *d. l. 13. §. 4. de usufr. l. 198. de V. S.* vel ad finem utrumque. Reditus potissimum est vel in vineis, vel in arbutis, (in denen Schlingen) in olivetis. *d. l. 13. §. Inde est quassitum 5. vers. & si forte de usufr.* in hortis olitoriiis, in den Kraut Gärten. Hortos ejusmodi fructiferos urbibus maximo emolumento esse ad cibos & obsonia nemo est qui non intelligit. Et propterea in bene constitutis civitatibus summâ cum industriâ solent excoli, in pomæriis & suburbiis. Imò videris multis in locis arbores frugiferas extra mœnia quoque in campis apertis plantari. In montibus Genevensium sylvas castancarum offendes, in Palatinatu inferiori & alibi magnam copiam amygdalarum, nucum, vinearum &c. Et certè laudabilis totique universitati proficiuus mos in quibusdam locis Ducatus Württembergici introductus est, quod quilibet post receptionem in subditum arborem frugiferam in loco quodam communi plantare teneatur, daß er muß auf

die Allmandt einen fruchtbaren Baum sehen lassen. *Speidel. in Not. Polit. verbo Garten. Argentinz Hortulani habent peculiarem tributum, die Gärtner Zunft.*

XXIV.

Porro horti magni redditus, vinearii fortè vel etiam olitorii, pro prædiis rusticis reputantur. Horti verò qui in ædificiis constituti sunt, quippè voluptuarii potissimum, urbanorum appellatione continentur. *l. 198. de V. S. Capoll. de S. V. P. rubr. XI.* utrique prærogativam hanc obtinent, ut habeant jus, quod nostris dicitur, *Das Garten-Recht* / h. e. pastura sit ibi prohibita, & eos sepimento claudere liceat. *Speidel. d. loc. in fine.*

XXV.

Voluptuariorum fines describit Ulpianus in *d. l. si cuius 13. §. fructuarius 4. vers. Et si forte voluptuarium fuerit pradium. de usufr.* quod pertineat ad usum vel visum sive aspectum, vel equitatum, vel deambulationis: vel omnium simul. Visui & aspectui consulant viridaria, *d. l. 13. §. 4.* h. e. loca virentibus herbis, graminibus, arbutis, vinetis, consita, ut explicat *Briffon. lib. 19. de V. S.* Toti corpori motiones per unctionem & deambulationem pedibus factam. Equo vehimur aut solo aut in curru vel in lectica. Omnem hanc motionem sive exercitationem corporis nonnulli vocabulo gestationis comprehendendi putant. At *Pancirollus 1. var. lect. cap. 55. vers.*

versf. Budaus. ipsum locum in quo veteres aut sellâ gestabantur, aut equo vehébantur, voce gestationis intelligi putat. Verùm id vix patitur vel ipse textus ab utroque allegatus: *l. Qui Sella. 7. de S. P. R.* ubi dicitur: *Eum, qui sellâ aut lecticâ vehitur, ire, non agere.* Ergò sellâ aut lecticâ vehi potius ad commectionem & ambulationem videtur referri. *l. inser actum 12. d. 1. l. plenum 12. §. 1. de usu & habet.* ubi usufructuarius fundi etiam deambulandi & gestandi jus habere dicitur. Nedum ratio recti sermonis: Gestatio enim est actio, locus autem subjectum in quo actus exercetur. Nisi metonymiam subjecti pro adjuncto inducere hic velimus.

XXVI.

Et hæc quidem de Horti constitutione, differentiis & fine. Ad conservationem horti pertinet (1) restauratio agri, *l. 1. §. ult. ibi: si oliveta rejecta restauraverit de impens. in res dot. fact. l. 1. ibi: quod eorum labore vel olivetus est insitum, vel vinetis. C. de Mancipiis & Colonis patrimonial. XI. 62.* (2) Propagatio specierum. *l. 3. ibi: vel si vites propagaverit. d. tit. de Imp. in res dot. fact.* (3) Curatio arborum aliarumque plantarum. *d. l. 3. ibi: si arbores curaverit. de impens. in res dot. fact. conf. P. Laurenbergium in Horti cultura. Baron. Bacon. in sermon. fidel. cap. 44.* (4) Seminariorum constitutio. *d. l. 3. ibi: vel seminaria pro utilitate agri fecerit. de Imp. in res dot. fact. V. Catonem & Columell. de Re Rustica.* (5) Aliquando etiam opus est

succisione , v. g. oliveti, ut novellum reponatur.
l. vir in fundo dotali §. de fundo dotali.

XXVII.

Ad culturam hortorum omninò requiruntur
 impensæ quæ horto jam posito necessariis annume-
 rantur, *l. 1. §. ult. ibi: si oliveta rejecta restauraveris. l. 3. ibi:
 vel si vites propagaveris, vel arbores curaveris, vel semi-
 naria pro utilitate agri feceris; necessarias impensas fe-
 cisse videbitur. de Imp. in res dot. fact.* Unde sequitur
 cum qui de hereditate participare velit, etiam sumtus
 in ejus conservationem factos refundere teneri.

XXVIII.

Si sepimentum sit commune, illudq; ruptum
 fuerit, vicinus autem pro parte id reficere nolit, ad
 refectionē illius implorato Judicis officio cogi potest.
 Si alter vicinorum solus impensas in refectionem fe-
 cerit, portio vicini vel judicio negotiorum gestorū
 vel communi dividundo repeti potest. *l. 4. C. com.
 div. l. 4. §. 3. seq. ff. eod.* Præterea ad restitutionem
 damni tenebitur vicinus, si quod impedita vel dilata
 culpa ejus refectione per incursum pecudum, vel
 alio modo alterius prædio illatum fuerit.

XXIX.

Effectus spectari potest in commodis & one-
 ribus. Quoad commoda, effectus primus est, ut quia
 hortus

hortus benè constitutus & cultus, varios producit fructus, vina, oleas, olera, poma, flores, *l. plenum 12. §. 1. de usu & habit.* his omnibus non tantum dominus rei, sed etiam usufructuarius, imò & usuarius uti possit.

XXX.

Quod si quis sit horti dominus, poterit in eo exstruere, quæ ad ejus conservationem pertinent, dum alteri non noceant, vel præjudicent. Ac primo quidem januam; quam quis etiam vicino ringente, anticam atq; posticam exstruere potest. *l. ult. §. un. de S.V.P.* (2) Horreum, colligendorum fructuum causâ. (3) Ædiculam cœnatoriam, *Ein Garten-Häussigen.*

XXXI.

Quoad translationem & interpretationem: Hortus non venit in venditione domus, cui conjunctus est; nisi sit aditus ex domo in eum. *l. olympico. ult. de S.V.P.* multò minus venit in legato habitationis domus, etiamsi per hortum sit aditus ad domum: *uti censuerunt Bald. in d. l. ult.* nisi indicetur & probetur, hortum esse de domo, & domui accedere. *Capolla d. l. conf. l. pradiis 91. §. Balneus 4. & §. qui domum. 5. de legat. 3.*

XXXII.

Quoad onera quæritur, an de Hortis, id est, eorum

eorum fructibus decimæ præstandæ sint? *Capolla d. cap. 76. n. 10.* quæstionem hanc quidem etiam proponit, sed non resolvit, verum lectorem *ad cap. Ex parte. 10. Ext. de decimis* remittit. Ubi hoc dici videtur. Cistercienses & Templarios & Hospitalarios Episcopis ex privilegio Pontificum de fructibus, quos suis manibus vel sumptibus coluerunt, non præstare. Id cæteris clericis tantum concessum esse (1) in novallis suis, quæ propriis manibus & sumptibus excolunt: (2) de nutrimentis animalium (sive de fructibus quibus opus habent ad nutrienda animalia) & (3) de hortis suis. Unde sequitur, Laicos omnes etiam de hortis suis sive frugibus in his natis juxta sententiam Juris Canonici decimas Ecclesiæ persolvere teneri, prout disertè statuit *Wärndle lib. 2. vom Zehend: Recht cap. 1.* Daß man auch von Kraut/ Rüben/ Hanff/ Zwybel und dergleichen Gartens/ Gewächs Zehend geben müsse. *conf. Speidel. specul. Notab. verb. Zehend.*

XXXIII.

Quæri hîc potest; an servitus realis hortu imponi possit, ut pomum decerpere, item spatium aut coenare liceat? *By. neg. per l. ut pomum 8. ff. de servit.* quia hæc utilitas & commoditas personæ est, non prædii. *Gothofr. ibid.*

XXXIV.

Contraria sunt constitutioni hortorum & hortis,

tis, desertio & omissio culturæ l. *Emphyteusarius*.
 1. ibi: quos nullis culturis erudierunt. C. de Mancipiis &
 colonis XI. 62. Item conversio in usum alium, v. g. pra-
 tum, quod Domino quidem licet, per l. *apud Treba-*
tium 3. §. si vicinus 2. de aq. & aq. pluuv. arc. act. ubi pro
 voce *arvum* vulgata legit *hortum*. Goth. in not. ibid. n.
 88. Sed non usufructuario, cum is formam, licet in
 melius, immutare nequeat, v. g. viridarium in pra-
 tum. l. si cuius 13. §. sed si adium 7. ibi: vel viridaria ad
 alium modum convertere, excolere enim, quod invenit,
 potest, qualitate adium non immutatâ; de usufr. &
 aliud est acceptum tueri, aliud novum facere. l. 44. cod.

XXXV.

Tandem quæritur: An quis possit in muro
 suo fenestram facere, ut in hortum tuum prospiciat?
 R. Possit. l. *altius*. §. C. de servitut. Sed licet tibi contra
 ædificare, & lumina obscurare, dum non ædifices
 contra veterem formam consuetudine firmatam,
 l. si quas. 1. C. de servitut. & aquâ. ubi v. Ant. de Padilla
 in comment. p. 269. & seqq. & spatium, à l. ult. fin. reg.
 præscriptum observes. *Capolla d. c. 76. n. 9.* vel à vicino
 servitutem hanc comparare, ne fenestram in
 muro suo hoc fine faciat. *Bald. in d. l. altius.*
Capolla, d. cap. 76. n. 7.

Decas Corollariorum.

I.

Jus natura est immutabile.

II.

Tutor suspectus & remotus, siquidem ob dolum famosus est; si ob culpam, non aequè.

III.

Pupillus sine Tutoris autoritate contrahens ne naturaliter quidem obligatur.

IV.

Creditor qui pignus vendidit, evictionis nomine non tenetur.

V.

In nuptiis injustis nec dotis nec donationis exactio loci est.

VI.